

## **S A O P Š T E N J E**

Ured za reviziju institucija u Federaciji Bosne i Hercegovine proveo je reviziju učinka na temu: „**Uspostava i funkcionisanje interne revizije u javnom sektoru u FBiH**“.

Cilj revizije bio je da procijeni efikasnost institucija u uspostavljanju i planiranju interne revizije, korištenju, te poštivanju propisa za uspostavljanje funkcionalne interne revizije.

Interna revizija je jedan od osnovnih elemenata dobrog upravljanja organizacijom u javnom sektoru. Predstavlja jednu od tri komponente Javne interne finansijske kontrole, čija primjena treba da osigura nadzor nad transparentnim korištenjem javnih sredstava i učinkovitosti javne uprave.

Svrha ove revizije bila je ukazati na značaj interne revizije u javnom sektoru u FBiH. Institucije su trebale iskoristiti rezultate rada interne revizije, te tako unaprijediti proces poslovanja organizacije. Time bi lakše ostvarile svoje namjere, te na sistematičan i uređen način pristupile procjeni i unapređenju efektivnosti procesa upravljanja rizicima, kontrolnih procesa i procesa upravljanja organizacijom.

Ispitivanje je fokusirano na vremenski period od 2013. do 2014. godine. Fokus revizije se odnosio na aktivnosti institucija/korisnika budžetskih sredstava na federalnom nivou.

Nalazi provedene revizije ukazuju da institucije u FBiH *nisu preduzele adekvatne mjere* na uspostavljanju funkcionalne interne revizije. *Jedinice interne revizije kod većine budžetskih korisnika u javnom sektoru FBiH ne rade u skladu sa zakonskim propisima i standardima.* Značajan broj uspostavljenih jedinica za internu reviziju nije funkcionalan, zbog toga što nisu kadrovski popunjena sistematizovana radna mjesta internih revizora, ili su zaposlenici uz internu reviziju obavljali i druge poslove. U mnogim institucijama nisu ispoštovane obaveze donošenja strateškog i godišnjeg plana aktivnosti interne revizije, kojim bi se utvrdile oblasti od najveće važnosti za provođenje aktivnosti interne revizije. Isto tako, određeni broj uspostavljenih jedinica za internu reviziju nije sačinio godišnji izvještaj o internoj reviziji.

*Sadašnji položaj interne revizije nije adekvatan njenoj ulozi i značaju*, te se vrlo često rezultati interne revizije ne koriste od strane rukovodstva kod donošenja poslovnih odluka i za potrebe procjene načina odgovora na poslovne i druge rizike.

Funkcionalna interna revizija garant je transparentne i odgovorne javne administracije. Svojim objektivnim pristupom i nepristrasnim rezultatima je vrlo značajna funkcija za praćenje poslovnih procesa, ocjenu internih kontrola i rizika organizacije.

Izvještaj u cijelosti možete pročitati [ovdje](#)

Odjeljenje za ljudske resurse i komunikacije